

COFNODION

Cyfarfod 26

12 Gorffennaf 2021, 14:00

Cyfarfod dros Zoom

Yn bresennol:	
<p>Cyng. Ellen ap Gwynn (EaG) Russell Hughes-Pickering (RHP) Hazel Lloyd-Lubran (HLL) Iwan Cray (IC)</p> <p>Duncan Hamer (DH) Prif Arolygydd Christina Fraser (CF) Ros Jervis (RJ) Anna Bird (AB) Cyng. Elwyn Williams (EW)</p> <p>Eifion Evans (EE) Christine Harley (CH) Yvette Eley (YE)</p>	<p>Cadeirydd, Cyngor Sir Ceredigion Cyngor Sir Ceredigion CAVO Gwasanaeth Tân ac Achub Canolbarth a Gorllewin Cymru Llywodraeth Cymru Heddlu Dyfed-Powys Iechyd Cyhoeddus Cymru Bwrdd Iechyd Prifysgol Hywel Dda Gwasanaeth Tân ac Achub Canolbarth a Gorllewin Cymru Cyngor Sir Ceredigion Gwasanaeth Carchardai a Phrawf EM Cyfoeth Naturiol Cymru</p>
Tim Cymorth BGC/PSB	
<p>Diana Davies (DD)</p> <p>Sara Dafydd (SD) Manon Horscroft (MH) Lynne Walters (LW)</p>	<p>Rheolwr Corfforaethol: Partneriaethau a Pherfformiad (Cyngor Sir Ceredigion - CSC) Swyddog Partneriaethau (CSC) Swyddog Cymorth (CSC) Swyddog Partneriaethau (CSC)</p>
Hefyd yn bresennol:	
<p>Rob Starr (RS) Amy Richmond-Jones (ARJ)</p> <p>Caitlin Theodorou (CT) Cllr Rowland Rees-Evans (RRE)</p>	<p>Cyngor Sir Ceredigion Gwasanaeth Tân ac Achub Canolbarth a Gorllewin Cymru Cyngor Sir Ceredigion Cyngor Sir Ceredigion</p>
26.1	Ymddiheuriadau, cyflwyniadau a datganiadau o fuddiant

Dechreuodd y Cadeirydd y cyfarfod drwy groesawu pawb. Nid oedd dim datganiadau o fuddiant.

Ymddiheuriadau:

Steve Moore, Bwrdd Iechyd Prifysgol Hywel Dda
Alun Williams, Cyngor Sir Ceredigion
Maria Battle, Bwrdd Iechyd Prifysgol Hywel Dda
Matt Morden, Coleg Ceredigion/ Coleg Sir Gâr
Helen Powell, yr Adran Gwaith a Phensiynau
Dr Andrew Cornish, Coleg Ceredigion / Coleg Sir Gâr
Gwilym Dyfri Jones, Prifysgol Cymru y Drindod Dewi Sant
Rhodri Llwyd Morgan, Prifysgol Aberystwyth
Gillian Wells, Cyfoeth Naturiol Cymru
Pat Smith, yr Adran Gwaith a Phensiynau

26.2 Cofnodion cyfarfod blaenorol BGC Ceredigion – 26.04.21

Cytunwyd bod cofnodion y cyfarfod a gynhaliwyd ar 26.04.21 yn gywir.

26.3 Materion yn codi o'r cyfarfod blaenorol

Nid oedd dim materion yn codi o'r cyfarfod blaenorol.

26.4 Cyflwyniad Ail-Gysylltu â Natur - Dr Yvette Eley, CNC

Dechreuodd y Cadeirydd drwy fynegi ei chydymdeimlad dwysaf â Gillian Wells ar ran y bwrdd cyfan, ar ôl iddi golli ei thad yn ddiweddar.

Yn absenoldeb Gillian Wells, rhoddodd Dr Yvette Eley gyflwyniad i aelodau'r BGC ar yr adroddiad cwmpasu ar "Ail-gysylltu Natur". Ym mis Rhagfyr 2020, yn dilyn cadarnhau cyllid gan Gyfoeth Naturiol Cymru, cynhaliodd Cyngor Sir Ceredigion broses dendro agored gan weithredu ar ran BGC Ceredigion a Grŵp Prosiect Newid Hinsawdd ac Adnoddau Naturiol, a chomisiynwyd Resources for Change Ltd i baratoi adroddiad cwmpasu. Nod y prosiect oedd nodi tir ledled y sir sydd mewn dwylo cyhoeddus a fyddai'n hwylus ac yn gallu hybu bioamrywiaeth ac iechyd a lles.

Mae'r adroddiad a ddisbarthwyd i'r aelodau cyn y cyfarfod hwn yn darparu rhestr hir o dros 170 o safleoedd sy'n eiddo i'r cyhoedd ac sydd â'r potensial ar gyfer gwelliant ecolegol/cymunedol. Pan gyflwynwyd y ddogfen dendro yn wreiddiol, nododd YE fod angen addasiadau dealladwy o ganlyniad i gyfyngiadau parhaus Covid-19. Roedd yr addasiadau hyn, yn sgil methu â chynnal ymweliadau safle, wedi arwain at ddiwygio nod prosiectau gan ddynodi clystyrau o safleoedd. Nodwyd cyfanswm o saith prosiect ledled y sir ac roedd y rhain yn gysylltiedig â themâu priodol i adlewyrchu nodweddion

a blaenoriaethau ardaloedd. Yn unigol ac ar y cyd, mae modd i'r prosiectau hyn gynnig amrywiaeth o gyfleoedd i ryngweithio a datblygu o fewn cymunedau.

Dyma'r saith safle prosiect a ddewiswyd:

1. **Aberaeron** - Creu ac Adfer Glaswelltir lled-naturiol.
2. **Aberystwyth** - Prosiectau Bywyd Gwyllt Cymunedol.
3. **Aberteifi** - Afon Teifi a Phryfed Peillio.
4. **Llanbedr Pont Steffan** - Coetiroedd a Bywyd Gwyllt Dŵr Croyw.
5. **Llandysul** - Creu ac Adfer Glaswelltir lled-naturiol.
6. **Llanilar** - Cylchdaith Cerdded Bywyd Gwyllt.
7. **Ceinewydd i Lanarth** – Prysgrdir arfordirol ac ansawdd dŵr.

Nododd YE fod yr adroddiad yn canolbwyntio ar oresgyn rhwystrau o ran cymryd rhan a rhoddwyd ystyriaeth i'r hyn yr oedd angen ei wneud er mwyn gwella amrywiaeth a mynediad i'r bobl sy'n defnyddio'r mannau gwyrdd ledled Ceredigion. Ystyriwyd y canlynol:

- Goresgyn rhwystrau corfforol a seicolegol.
- Ehangder ac amrywiaeth y syniadau i'w datblygu.
- Celf gymunedol i ddenu cynulleidfaoedd newydd.
- Creu llochesi bywyd gwyllt (e.e. blychau adar ac ystlumod) i ddenu grwpiau crefft a grwpiau cymunedol.
- Creu cylchdeithiau cerdded nad ydynt yn dibynnu ar ddefnyddio ceir neu drafnidiaeth gyhoeddus.
- Creu apiau a/neu daflenni i annog cyfranogiad.

I gloi ei chyflwyniad, aeth YE dros ran olaf yr adroddiad a oedd wedi nodi ystod o gyllid/grantiau oedd ar gael. Roedd Resources for Change Ltd wedi nodi ystod o grantiau rhwng £10,000 sef y terfyn uchaf, a £500 sef y terfyn isaf, a fyddai'n addas ar gyfer prosiect unigol y gellid eu datblygu.

Nawr mae angen nodi sefydliadau 'angori' er mwyn symud y syniadau hyn yn eu blaen i gam gweithredu a gofynnwyd am gefnogaeth a chymorth partneriaid y BGC. Cytunwyd y bydd y rhain yn cael eu hystyried yn fanylach wrth i gyfleoedd ariannu gael eu cyflwyno a chytunodd pob partner i drafod cynnwys yr adroddiad gyda'u cydweithwyr.

Diolchwyd i YE am ei chyflwyniad llawn gwybodaeth ac am roi sylw i'r pwyntiau a godwyd yn ystod y drafodaeth gadarnhaol a ddilynodd.

Yn ystod y drafodaeth honno roedd Ros Jervis (RJ), a groesawyd yn ôl ar ôl methu â mynychu cyfarfodydd y BGC am y 18 mis diwethaf o ganlyniad i Covid-19, wedi holi am sicrhau cyfranogiad cymunedol i bawb. Cyfeiriodd at symposiwm rhanbarthol

Atebion Cymdeithasol a Gwyrdd ar gyfer lechyd a gynhaliwyd ym Mhrifysgol Cymru, Llanbedr Pont Steffan ym mis Ionawr 2020 a'r cyfle i ystyried yr adborth ochr yn ochr â'r adroddiad Adnoddau ar gyfer Newid. Roedd y cyfleoedd hyn yn cynnwys cyfeiriad uniongyrchol at ddarparu gwasanaethau integredig i'r rhai sy'n anabl yn feddyliol ac yn gorfforol. Croesawodd RJ ragor o fanylion am oresgyn rhwystrau corfforol a seicolegol a chytunwyd y byddai'r pwyntiau hyn yn cael eu hadrodd yn ôl i'r Grŵp Prosiect Newid Hinsawdd ac Adnoddau Naturiol yn ei gyfarfod nesaf yn ddiweddarach y mis hwn.

Ar y pwynt hwn dymunai RJ gadarnhau mor bwysig yw nodi arweinwyr ymgysylltu yn y cymunedau a diolchodd i bawb am ei chroesawu'n gynnes yn ôl i'r cyfarfod heddiw.

CAM GWEITHREDU: Dr Yvette Eley i gysylltu â Thîm Cymorth y BGC a Grŵp Prosiect Newid Hinsawdd a rhannu rhagor o fanylion am y Cynllun Gweithredu gydag aelodau'r BGC pan y manylion ar gael.

Fan hyn, cododd Hazel Lloyd-Lubran (HLL) fater cynlluniau gwaith y Grwpiau Prosiect. Dywedodd HLL, o drafod gyda Chadeiryddion Grwpiau Prosiect eraill, ein bod ar hyn o bryd mewn cyfnod pontio lle mae'r ffocws yn symud tuag at gasglu syniadau ar gyfer Cynllun Llesiant Lleol nesaf 2023-28. Awgrymwyd bod angen canolbwyntio'n awr ar ddefnyddio'r cyfnod sy'n weddill o fewn y cynllun presennol fel cyfnod pontio i sicrhau'r effaith fwyaf. Oherwydd Covid-19 mae capasiti wedi bod yn broblem fawr o fewn y Grwpiau Prosiect a phwysleisiodd HLL y gellid gwneud llawer drwy gydweithio mewn partneriaeth. Ystyriwyd dull posib sy'n seiliedig ar leoedd ar gyfer gwaith y BGC a'i grwpiau yn y dyfodol. Drwy ddefnyddio fframwaith cyflawni sy'n seiliedig ar gynllun peilot, awgrymodd HLL y gallai hyn fod o fudd i gamau gweithredu'r dyfodol a'r Cynllun Llesiant Lleol newydd.

Cafwyd trafodaeth a gofynnodd y BGC am i Gadeiryddion y Grwpiau Prosiect drafod y newid arfaethedig hwn yng nghyfarfodydd eu Grwpiau Prosiect unigol ym mis Gorffennaf a mis Awst gyda'r bwriad o gyflwyno fframwaith cyflawni diwygiedig yn seiliedig ar leoedd i'r BGC yn ei gyfarfod nesaf ym mis Medi, er ystyriaeth.

PENDERFYNIAD: Cytunodd y BGC i adolygu'r fframwaith cyflawni presennol gyda'r bwriad o dreialu dull sy'n seiliedig ar leoedd ar gyfer gweddill y Cynllun Llesiant Lleol presennol.

CAM GWEITHREDU: Bod Cadeiryddion Grwpiau Prosiect y BGC yn cynnal cyfarfodydd eu grwpiau yn ystod mis Gorffennaf a mis Awst er mwyn cyflwyno barn y BGC a chael mewnbwn ar themâu a syniadau prosiect ar gyfer peilot y fframwaith cyflawni newydd sy'n seiliedig ar leoedd. Cyflwynir y fframwaith cyflawni newydd er ystyriaeth yng nghyfarfod nesaf y BGC ym mis Medi.

26.5**Adroddiad Blynyddol Cynllun Llesiant Lleol Ceredigion 2020/21**

Rhoddodd Lynne Walters (LW) y newyddion diweddaraf i'r aelodau am y gwaith a wnaed ar Adroddiad Blynyddol y Cynllun Llesiant Lleol ar gyfer 2020-21. Eisoes dosbarthwyd copi o Adroddiad Blynyddol 2020-21 i'r holl aelodau i'w hystyried ac fel y llynedd cadarnhaodd LW fod y canllawiau a ryddhawyd gan Lywodraeth Cymru yn gofyn am adroddiad byr yng nghyd-destun COVID-19.

Mae adlewyrchiad o'r gwaith a wnaed drwy gydol y flwyddyn wedi'i gynnwys yn yr Adroddiad Blynyddol ac mae wedi'i drefnu o amgylch tri maes ar gyfer pob Grŵp Prosiect, sef;

1. Ailedrych ar flaenoriaethau allweddol.
2. Darparu manylion gweithgareddau unigol pob grŵp gan gynnwys unrhyw grwpiau gorchwyl a gorffen a sefydlwyd.
3. Ystyried blaenoriaethau'r dyfodol.

Hefyd tynnodd LW sylw at y ffaith bod gwybodaeth wedi'i chynnwys yn adroddiad gweithgareddau Is-grwpiau'r BGC - yn ogystal â'r chwe Grŵp Prosiect - gan roi sylw arbennig i'r Is-grŵp Tlodi, y Grŵp Ailsefydlu Ffoaduriaid a Fforwm Dyfodol Dwyieithog Ceredigion.

Yn dilyn trafodaeth yn ymwneud â chynnwys yr Adroddiad Blynyddol, cymeradwyodd pob aelod y ddogfen a chytunwyd y byddai'n cael ei chyhoeddi ar wefan BGC Ceredigion a bod copïau'n cael eu hanfon, yn unol â'r gweithdrefnau y cytunwyd arnynt, at Gomisiynydd Cenedlaethau'r Dyfodol Cymru, Archwilio Cymru a Llywodraeth Cymru.

PENDERFYNIAD: Bod y BGC yn cymeradwyo Adroddiad Blynyddol Cynllun Llesiant Lleol Ceredigion 2020-21.

26.6**Y diweddaraf o ran Grwpiau Prosiect y BGC:****i. Menter ac Arloesedd**

Rhoddodd Russell Hughes-Pickering (RHP) y diweddaraf i'r aelodau am gyfarfod blaenorol y Grŵp Prosiect. Dywedodd y byddai pwyslais yr aelodau ar ddwy flaenoriaeth. Byddai'r blaenoriaethau hyn yn seiliedig ar ddeall yr ystod o ymyriadau sydd ar gael i gefnogi ac annog busnesau i sefydlu, goroesi a datblygu a hefyd ystyried y newid sy'n digwydd o ran golwg trefi marchnad. Dywedodd RHP mai dim ond dau o'r Sector Preifat oedd yn bresennol yn y cyfarfod a nododd fod y presenoldeb cyfyngedig hwn wedi bod yn broblem yn y Grŵp Prosiect hwn. Teimlai'r Cadeirydd, RHP, ei bod yn amserol bellach i fynd i'r afael â'r mater hwn a chymeradwyodd y mater a godwyd gan HLL yn gynharach yn y cyfarfod, sef ystyried dull gweithredu ar y cyd sy'n seiliedig ar leoedd.

ii. Grŵp Prosiect Atebion Cymdeithasol a Gwyrdd er lles iechyd

Nododd y Cadeirydd nad oedd y Grŵp Prosiect wedi cwrdd, yn ddealladwy felly, o achos COVID-19. Nododd RJ fod ei holl ymdrechion wedi bod ar ymdrin â'r pandemig a'r angen i weithredu'r rhaglen frechu dorfol fwyaf a welwyd erioed, a hynny ar frys.

iii. **a) Grŵp Prosiect Newid Hinsawdd ac Adnoddau Naturiol**

Nid oedd gan YE ddim pellach i'w adrodd ar ran y Cadeirydd Gillian Wells a derbyniwyd adroddiad y Grŵp Prosiect.

iv. **a) Grŵp Prosiect Deall ein Cymunedau**

Rhoddodd Hazel Lloyd-Lubran (HLL) y wybodaeth ddiweddaraf ers y cyfarfod diwethaf a gynhaliwyd ar 21 Mai. Mae'r Grŵp Prosiect wedi creu is-grŵp i gefnogi'r broses o lunio'r Asesiad newydd o Lesiant Lleol. Rhoddwyd pwyslais ar nodi arweinwyr ymgysylltu a chreu pecyn gwybodaeth i'r rhai sydd â diddordeb mewn hwyluso sesiynau trafod byr fel rhan o'r broses o gasglu gwybodaeth. Pwysleisiwyd bod yn rhaid rhoi blaenoriaeth ar annog cynifer o bobl â phosib i gymryd rhan yn yr ymgysylltu. Nododd HLL hefyd fod y Grŵp Prosiect wedi dechrau ystyried datblygu cynllun cyllidebu cydweithredol yn ardal Ceinewydd a fydd yn adeiladu ar y gwaith ymgynghori blaenorol a wnaed gan Rural Futures.

b) Deall ein Cymunedau – Panel Ailagor Lleoliadau Cymunedol

Rhoddodd HLL ddiweddariad byr bod y panel yn parhau i gyfarfod bob wythnos gan gynnig cymorth i Lleoliadau Cymunedol. Mae'r panel wrthi'n trefnu sesiwn frifio arall i roi'r diweddaraf i'r rhai sy'n trefnu gweithgareddau yn eu lleoliadau cymunedol, gan ei bod hi'n hanfodol darparu gwybodaeth i ganiatáu i hyn ddigwydd mewn modd trefnus.

v. **Grŵp Prosiect Cydleoli ac Integreiddio Gwasanaethau Rheng Flaen:**

Rhoddodd Iwan Cray (IC) wybod i'r aelodau am y prif gamau gweithredu a oedd wedi digwydd yn y Grŵp Prosiect hwn. Roedd y prif eitem agenda yn ei gyfarfod diwethaf yn canolbwyntio ar weithdy wedi'i hwyluso a ddarparwyd gan Rob Starr a hynny ar Asesu Llesiant Lleol. Derbyniwyd yr adroddiad ar gyfer y Grŵp Prosiect hwn ac i gwblhau ei drosolwg, nododd IC ei fod yntau hefyd yn cytuno â fframwaith cyflawni i'r BGC sy'n seiliedig ar leoedd.

vi. **Grŵp Prosiect Hyfforddiant Cydnerthedd**

Rhoddodd Sara Dafydd (SD) ddiweddariad byr i'r aelodau yn absenoldeb Cadeirydd y Grŵp Prosiect, Matt Morden. Nodwyd bod y Cadeirydd wedi hysbysu'r BGC o bryderon ynghylch presenoldeb rheolaidd partneriaid mewn cyfarfodydd ym mis Ebrill. Nodwyd hefyd bod y Cadeirydd wedi gofyn, o ystyried yr heriau presennol o ran capasiti, a oedd awydd o hyd i sefydlu adnodd hyfforddi cydnerthedd a fydd yn cael ei rannu ledled sefydliadau'r BGC. Bydd y Mater hwn yn cael ei drafod gan y Grŵp Prosiect yn ei gyfarfod nesaf. Er bod cyfarfodydd wedi cael cefnogaeth dda gan yr Awdurdod Lleol, CAVO, Prifysgol Aberystwyth, Gwasanaeth Tân ac Achub Canolbarth a Gorllewin Cymru, a'r Drindod Dewi Sant, nodwyd nad oedd sefydliadau eraill y BGC wedi cymryd

rhan weithredol yng ngwaith y grŵp ac adlewyrchir hyn bellach yn yr adnodd a oedd yn cael ei ddatblygu.

Fel y Grwpiau Prosiect eraill, cadarnhawyd bod Rob Starr, Rheolwr Perfformiad ac Ymchwil, wedi hwyluso gweithdy rhyngweithiol a oedd yn canolbwyntio ar Asesu Llesiant Lleol a chroesawyd hyn gan y rhai a oedd yn bresennol. I orffen, nododd SD fod y Cadeirydd Matt Morden wedi hysbysu'r Grŵp Prosiect ei fod yn ymddeol o'i swydd yng Ngholeg Sir Gâr/ Coleg Ceredigion ac o ganlyniad y byddai'n ymddiswyddo fel Cadeirydd y Grŵp Prosiect hwn.

26.7 Asesiad o Lesiant Lleol

Rhoddodd Rob Starr (RS) ddiweddariad bras ar gynnydd y gwaith ar yr Asesiad Llesiant Lleol. Roedd adroddiadau wedi'u dosbarthu cyn y cyfarfod er gwybodaeth i'r aelodau. Tynnwyd sylw at y ffaith fod arweinwyr data bellach wedi'u nodi ym mhob sefydliad sy'n aelodau a bydd y rhain yn hanfodol wrth i'r gwaith fynd rhagddo. Adroddwyd bod y fîm wedi llwyddo i gynnal gweithdai ymgysylltu ar gyfer yr asesiad gyda phob Grŵp Prosiect yn ystod Mai/Mehefin ac roedd y rhain wedi cynnig cyfle gwych i dderbyn mewnbwn ac adborth gan wahanol bartneriaid y BGC ar y themâu a'r dull o ymdrin â'r gweithgaredd ymgysylltu.

Nododd RS mai'r prif bwyslais ar hyn o bryd yw'r gwaith a wneir gyda grŵp yr Arolwg Rhanbarthol. Ar hyn o bryd mae'r fîm yn gwerthuso'r adborth ac yn tynnu'r dystiolaeth ynghyd er mwyn llywio cam nesaf y broses ymgysylltu. Y bwriad yw cynnal Arolwg Llesiant Rhanbarthol ym misoedd Awst a Medi, yn debyg iawn i'r fformat a ddefnyddiwyd y tro diwethaf. Cadarnhaodd RS y byddai'r drafft yn cael ei ddsbarthu ymhlith aelodau'r BGC.

CAM GWEITHREDU: Rob Starr a'r Tîm Ymchwil i ddsbarthu'r arolwg drafft i aelodau'r BGC unwaith y bydd ar gael.

CAM GWEITHREDU: Rob Starr a'r Tîm Ymchwil i ddsbarthu copi drafft o'r Pecyn Cymorth Rhanddeiliaid a'r Briff Ymgysylltu ar gyfer aelodau'r BGC unwaith y bydd ar gael.

Nodwyd y bydd Cydgysylltydd y Prosiect Llesiant Rhanbarthol, a gyflogir drwy Grant Cymorth y BGC, yn dechrau yn y swydd ar yr ail o Awst.

Fel rhan o'i ddiweddariad aeth RS drwy bapur ar Ardaloedd Cymunedol arfaethedig yr asesiad. Roedd papur manwl wedi'i ddsbarthu i'r aelodau cyn y cyfarfod ac ar ôl trafod cytunwyd y byddai Ardaloedd Cymunedol yr MSOA yn cael eu mabwysiadu ar gyfer yr asesiad.

PENDERFYNIAD: Cytunodd y BGC i ddefnyddio Ardaloedd Cymunedol yr MSOA ar gyfer Asesiad Ceredigion o Lesiant Lleol.

26.8 Adborth yn dilyn Pwyllgor Cydlynu Trosolwg a Chraffu Cyngor Sir Ceredigion

Rhoddodd Diana Davies (DA) ddiweddariad byr ar ran y Cyngorydd Rowland Rees-Evans. Roedd cofnodion cyfarfod Pwyllgor Cydlynu Trosolwg a Chraffu Cyngor Sir Ceredigion a gynhaliwyd ar 16 Mehefin wedi'u rhannu eisoes â'r aelodau. Trafodwyd yr

amlinelliad o'r Adroddiad Blynyddol yn y Pwyllgor ynghyd â chofnodion cyfarfod blaenorol y BGC a chardiau adrodd cysylltiedig y Grwpiau Prosiect. Diolchodd DD i HLL am ddod i'r Pwyllgor Cydlynu Trosolwg a Chraffu lle trafodwyd yr Adroddiad Blynyddol ar gyfer y Grŵp Prosiect Deall Ein Cymunedau. Roedd aelodau'r Pwyllgor Craffu hefyd wedi diolch i HLL ac aelodau'r Grŵp Prosiect am eu gwaith drwy gydol y flwyddyn.

Ar ôl cymeradwyo Adroddiad Blynyddol y Cynllun Llesiant Lleol heddiw, cyflwynir yr adroddiad terfynol gerbron cyfarfod y Pwyllgor Cydlynu Trosolwg a Chraffu a gynhelir ar 15 Medi 2021.

CAM GWEITHREDU: Cyflwyno Adroddiad Blynyddol terfynol Cynllun Llesiant Lleol 2020-21 i gyfarfod y Pwyllgor Cydlynu Trosolwg a Chraffu ar 15 Medi.

26.9 Unrhyw fater arall

Daeth y Cadeirydd â'r cyfarfod i ben drwy ddiolch i bawb am fod yn bresennol ac am eu cyfraniadau parhaus i'r trafodaethau.

26.10 Dyddiadau'r cyfarfodydd nesaf:
17eg o Fedi 2021, 10:00-12:00
18fed o Dachwedd 2021, 13:30-15:30